

欽定剿平三省邪匪方略

正編

五
八



欽定剿平三省邪匪方略正編卷一百二十五
年己未

十月初四日己丑那彥成台布奏言臣那彥成行

抵西安查得永保自斜峪關東來由大峪口前

往大山岔距省不遠不及會同松筠自應與臣

台布會同訊問隨飭令知府陳文駿等將永保

拏解西安謹按節次

諭旨指出各條逐一訊問據供大山岔駐劄原係兼

顧北面明亮寄來書札亦令在彼布置後因賊
匪西奔曾札商明亮卽欲趕往明亮覆稱仍令
駐劄該處追賊匪奔竄過於向西我不敢拘泥
於九月初一日起程趕赴斜峪關至二十一日
接明亮來書仍令回在大山岔防堵有節次書

信可據

臣

等隨請以你旣知不便拘泥明亮指

示後來趕往斜峪關何以賊匪西奔時復行在

彼稽留據供賊蹤無定設我不遵指示倘賊北
竄皆我之罪後聞賊過於向西勢不能竄出北

面峪口始行起程又明亮所派之富成馬兆瑞

永保因何掣赴他處以致無人堵禦一節訊據

供稱富成馬兆瑞原係我與慶成派令追賊由

子午峪入山後經明亮撥派富成赴鎮安馬兆

瑞赴商州我以兩處無賊毋庸前往令其專辦

分股賊匪並非明亮派定追賊我復掣往別處
又問永保在華陽山打仗究竟如何敗退及奏
摺內何敢以

聖諭籠統告誡藉詞狡辯據永保自認華陽山打仗
官兵雖未退走究未得利就是我的不是摺內

籠統二字因前奉

諭旨祇由飭軍營大員不和未蒙

指明永保不敢遽行承認所以如此聲說我實不通
漢文措詞失當後悔無及至永保進兵託詞躲
避總未與明亮夾擊最爲案內緊要關鍵復向
永保詳細盤詰據供明亮奏稱要彼此夾擊但
我在華陽打仗明亮次日始來我追賊至子午
峪明亮又落後四日數月以來未見明亮截住
賊頭緊追賊尾故無從與之夾擊情愿與明亮

對質且閱明亮咨送摺稿所奏打仗殺賊情形

聲叙確鑿投出民人係交隨營知府趙洵審訊

未見錄供稟報我因令知府朱勳札詢據趙洵

覆稱參贊追賊不遺餘力無奈賊匪連夜遁走

爲日旣久不能不一奏塞責任情鋪敘在龍駒

寨樂莊牧護關三次打仗殺賊俱屬烏有救出

被擄百姓亦屬子虛並據我差往明亮軍營探

信之外委張起鳳稟稱自五月至八月止明叅
贊一路七月內在紅花寺地方前隊鄉勇殺賊

四名八月內在獅子坪地方鄉勇殺賊二十餘

名官兵未與賊打過一仗亦未見過賊匪等情

再如近日明亮奏在甘省殺賊一千名同日接

鳳縣都司稟報賊一百餘名只求察核其明

亮一路糧員知府趙洵等亦求傳來訊問臣等

詰以明亮如果捏報打仗自有應得之罪但你
接到趙洵六月二十七日信得有証據因何徇
庇不叅你旣隱匿不奏又將一切摺稿書信粘
簽收藏並密差張起鳳跟隨明亮軍營探聽稟
報明是與明亮不和特意存留各項字據豫備
攻訐以報私怨全不以

國事爲重祇圖卸責是何居心據供我接閱趙洵

來札尙恐不實不敢遽奏八月底探信外委張
起鳳回營面詢始知詳悉彼時因屢奉

諭旨申飭不和又不敢冒昧劾叅自占地步這是我

糊塗拘泥百喙難分只求從重治罪至於留存

字據實因軍營匆促之際凡有關係公事者悉

係存留備查並非豫存攻訐之意臣等反覆究

詰將永保呈送親供並各項字據一併封呈

御覽伏查永保呈出明亮清字漢字各札似非捏飾

詢之知府朱勲據稱實有趙洵書信叙述明亮

一路情形外委張起鳳所供亦均與永保供詞

符合但趙洵書信係永保密令朱勲作爲已意

密札詢問藉以銓致字據張起鳳卽係永保私

自派往之人難保不隨同附和且永保與明亮

積成嫌隙今伊已革職孥問恐獲重罪是以盡

情攻發歸曲於明亮一人察其堅執情形安知
非自知罪重欲與明亮同死總須質証明確方
可折強辯而成信讞下等卽日帶兵進山剿賊
不能逐處調取人証候齊再質而永保畏罪情
急亦不便帶往軍營現已將永保發交司監收
禁應請解交松筠覆訊定擬至明亮剿辦賊匪
日久無功若永保所供果確是其欺飾之罪尤

非虛報功級可比相應據實參奏再慶成前在

漢中一帶剿賊曾經知會松筠就近拏訊茲據

松筠札稱慶成亦至甘境剿賊相距較近已咨

調慶成前來其所帶之兵卽交綸布春管理應

俟松筠訊問供詞自行具奏再

臣

那彥成仰蒙

聖恩委以軍旅重任前到陝時因軍營積習疲玩奏

明請以軍法懲治祇欲使將弁聞之預知儆惕

臣亦惟願不効一人而軍事速竣斷不敢稍存

專擅之念茲蒙

聖諭諄切訓誡成全嗣後遇事惟當倍加詳慎以仰

副

聖主恩加教誨至意

那彥成台布又奏言現在察探賊情據鳳縣都

司王萬年稟報張漢潮正股賊匪竄至三尖山

又據王文湧及留壩廳寶雞縣稟報十七日張
逆率領千餘人竄出草灘溝十九日由草涼驛

竄入大蜂溝二十日竄至桑園壩二十一日竄

入留壩山南江口一帶恒瑞等已各帶官兵追

剿又據富成及五郎通判鎮安縣稟報探得張

漢潮分股賊匪十一日竄至紙房溝十五日至

小仁河騎馬者祇三十餘人步賊一千七百餘

人十八日由鎮安縣之甘柞河竄入五郎之東

腰竹溝二十日富成帶領兵勇追至石泉溝斃

賊一百八十餘名生擒六十餘名除訊明被脅

之徐洪松等二十二名外餘交鎮安縣嚴訊各

等情臣等伏查張漢潮正股賊匪一千餘人自

甘境折回棧道東竄恒瑞等帶兵追剿至留壩

高橋舖地方其從前分股步賊一千七百餘人

本未同張漢潮竄往甘境月來在鎮安滋擾近
又向西竄至五郎界內富成率領兵勇追剿此
兩路官兵均在賊後尾追明亮從寶雞沿南山
一帶至大峪自北面向南兜截疲病兵丁落後
未經趕到者約有一千餘名兵力亦不甚厚

臣

等察看賊匪情形張漢潮兩股賊匪勢將復合
果能合夥一處自可聚而殲洗但恐其既合復

分東西奔竄牽綴官兵轉難兼顧臣等於本月

二十九日起程從大峪口入山由孝義五郎一帶相機剿辦現在無兵可帶頭起

盛京兵丁一兩日方可趕到別路官兵相距較遠

擬探赴明亮軍營卽帶明亮一路兵丁進剿再

查五郎孝義鎮安山陽等處東至商雒西至棧

道北至郿鄠藍田盩厔一帶跬步皆山歧路中

又有岐路匪徒恃此地利遂爲逋逃淵藪數年
來川楚教匪往來奔竄到處蹂躪情形實爲可
憫其中雖有十餘處要路勢不能逐處留兵防
守祇有築堡挖壕一法實爲制賊安民上策前
松筠已遵

旨通飭各屬定立章程而地方官奉行不力南山一
帶要地現尙因循未辦臣等詳加商酌另定條

欵先自五邱商州兩處辦起妥爲曉諭務順民情並令各按地勢及舊有村寨或壘石牆或築土堡或豎木城悉聽其便其洋鳳一帶就近由松筠飭令地方官妥辦查有西安府知府朱勳熟悉地利民情卽令該員總司其事此事若辦有成效賊匪無食可掠無地可息勢必飢困就斃且川陝境上賊匪亦聞風不敢闖入各堡互

相保聚匪徒亦有稽查如商南邪匪勾結之事

皆不能竊發似可盡絕根株且此時以撫卹之

費酌給貧下小戶爲遷移修築之資較之逐戶

撫卹轉可節省於事亦歸核實再明亮在南山

一帶往來多次地理情形較熟臣等現在探赴

明亮軍營凡道路夷險賊匪出沒處所先須向

明亮詢問以便布置伊人本粗率知臣等業經

叅奏恐其心緒忙亂未能將一切情形詳悉告

知轉覺於事無益是以臣等暫緩宣露恭候

命下再將永保所供逐一研訊

台布又奏言臣接據差探弁兵稟報張漢潮大

股賊匪由甘省折兵草涼驛一帶該處迤東卽

係孝義廳地方本有兵勇駐紮防守一面飛飭

帶領兵勇之署同知章玠都司劉滿貴實力堵

禦猶恐未能嚴防適有因公來省之韓城縣知
縣莊振人似明白曾隨秦承恩軍營辦事奏蒙
賞戴藍翎以同知直隸州補用令其前往幫同妥辦
詎該令面稟不能騎馬不敢前去臣查該員係
在青山溝等處打仗出力仰邀

恩賞如果不能騎馬安能打仗顯有飾詞規避情弊
現在陝西情形因近年兩任巡撫俱未在省一

切散漫無稽非大加整頓難以革除畏葸偷安
積習且在用兵之際尤當法令嚴明是以立將
該縣莊振擰去頂翎請

旨將韓城縣知縣莊振革職留於軍營効力以觀後

效

同日松筠奏言竊照陝省西鄉之東隅鹿池壩
賊匪又竄至九陣壩復有川省通江境內兩股

賊匪一由秋波梁一由九元關均向九陣壩會
竄前來遊擊關聖保正在遇賊打仗提督王文

雄趕到督率兵勇奮力衝撲殺賊六十餘名該

匪分爲三股我兵三面迎擊殺賊三百餘名生

擒二十四名匪衆仍分三股奔逃一係王三槐

餘黨賊目陀姓約二十餘人東竄星子山一係

樊人傑約一千餘人西竄麻池寺一係龍紹周

唐明萬二逆約二千餘人東西亂竄均在西鄉

境內王文雄率領弁兵正出堰口分路截擊又

有一股賊匪由太平响洞子至九陣壩約三千

餘人踞老鷹崖大梁山勢險峻十二日王文雄

派遊擊關聖保等由王家坪擊賊東面派都司

王來用等由二里山擊賊西面親率都司梁煥

等由北面仰攻三路兵勇齊上賊匪捨命抵禦

適署縣事知州宋昌琿亦率義勇趕到一擁而
上殺賊三百餘人賊衆披靡四散兵勇追殺三

十餘里又殺賊四百餘名墜崖落澗死者二百
餘名鎗斃執旗賊目三名除奪獲騾馬鎗矛外
生擒賊匪李智花等一百十五名訊據供稱此

股賊匪係兩股合夥一股係黃號賊首名伍義
蘭一股係藍號賊首曾六兒餘無要供當將該

犯等正法餘匪翻山竄入金竹溝王文雄冒雨

緊追沿途又殺賊一百餘名賊匪由鹽場竄回

川境先後招出難民一百七十餘名皆給盤費

路票遣發回籍其前竄星子山陀姓賊匪由高

川竄往木竹壩老魚壩一帶逼近茶鎮漢江南

岸並通西鄉縣城王文雄趕帶兵勇繞回迎截

於十六日至三郎鋪之分水嶺該匪排列嶺上

抵禦我兵奮力上攻右邊林箐內突出一股賊
匪我兵分投迎擊自酉至戌殺賊一百餘名匪
衆退至牛嶺山值風雨黑暗乘機來撲兵勇竭
力擊退遂冒雨進攻鎗礮轟擊一夜次日黎明
賊分三路下衝兵勇亦分三路迎擊殺死一百
餘人賊匪愍不畏死猶恃衆衝撲自寅至未又
鎗斃執旗賊目二名殺賊二百餘名賊匪始折

向東奔竄至風香圍一帶此股係王三槐餘黨

聞龍紹周一股已與之合夥其樊唐等逆盤踞

黃村十二壩鮮大川苟文明等逆又竄入西溝

廟壩係在西鄉之西隅是日下西鄉境內自川

省竄來之賊股數較多緣該匪等游奕於廣元

南江通江一帶額勒登保連次痛剿不予以暇

不能不北窺陝境其衝撲南鄭各卡時有道員

文濡所募義勇竭力堵剿未任闌入是以賊匪
先後會竄西鄉該縣與川省交界計長九百餘
里路極紛雜王文雄等雖屢得勝仗而所帶兵
勇實在不敷分撥時近交冬漢江水勢日漸淺

涸尤應嚴密防堵除飛札王文雄並飭叅將鮑

貴遊擊關聖保知州宋昌琿及北岸各廳州縣

鼓勵兵勇竭力嚴防

臣

併另委委員前赴貫子

山等處卡隘獎賞義勇一體固守再前竄洵陽

白河界上之竹山賊匪續據探報係黃白藍三

號之賊其從何股分出及賊目姓名已札飭慶

溥溫承惠詳悉查覆又德楞泰帶領重兵與倭

弁布分路剿堵兵威壯盛賊匪竄入洵陽白河

漸至平利目下欲向安康縣屬之磚坪一帶奔

逃知府周光裕並副將劉成基帶領兵勇千餘

名於城鄉各要隘分段堵禦臣仍飛札駐守紫

陽之總兵柯藩確探嚴防勿任與西鄉之賊合

夥茲擾至德楞泰帶兵緊追應需糧餉軍火已

飭漢中興安兩府趕緊運供俾資接濟再查道

員文需管理川陝接壤南鄭之小壩廟壩關倉

坪等處卡隘旣屬布置嚴密復能督率有方賊

匪屢次攻撲卡隘皆經義勇擊退地方賴以安

堵實爲出力之員可否賞給陞銜以示鼓勵出

自

聖恩

松筠又奏言竊

臣

在留壩途次聞知慶成與恒

瑞帶兵分路追剿張漢潮賊匪已從高橋入棧

東山內

臣

飛札囑其一面將所帶官兵交副都

統銜綸布春管領趕緊探蹤剿辦暫聽恒瑞調

遣一面卽前來會晤嗣慶成行抵鳳縣臣卽遵

旨革職拏問並將屢次

飭查情節逐一詰訊據慶成供我在京養傷可以扶

掖行動卽懇前赴軍營剿賊旋蒙

擢授成都將軍帶領直隸官兵到陝因撥給富成原

帶之兵盡在永保軍營其時永保在棧道我趕

到鳳縣恒瑞從甘省帶兵來陝回到永保軍營

會晤逸張漢潮賊匪由南山竄向棧道我三人

卽分路前往截剿復因藍號賊匪又近寧沔恒

瑞卽帶兵分路前去張漢潮從二里關北竄維

時西安北路緊要我與永保從寶雞郿縣沿山

以北抄截行至鄂縣明亮趕到三人會商明亮

議定伊從藍田進山遏其奔竄東南之路我與

永保從大峪口進山顧住西北兩面七月十六

日
到孝義鎮安交界之舊縣關沿路百姓紛紛

遷徙據稱大路之東有賊二股大路之西有賊

一股不知賊首姓名亦不知何股是張漢潮隨

卽差探賊蹤分投剿辦自十六日至三十日我

與永保分路截賊由舊縣關起到野豬坪王家

河屹塔寺黑虎廟兩河口鳳凰嘴胡家嶺采玉

窰紅岩子大沙窩等處隨處探賊剿捕雖有斬

獲因爲數無多實無顏具摺奏報其中住營之
日皆因大雨時行河溪漲發不能前進八月初
一日追賊至二郎碓我與綸布春四鼓進兵覓
路抄迎打仗殺賊初二日探知張漢潮又由商
南折向西北楊家斜奔竄我與永保會合趕截
初六日到大山岔因孝義鎮安地方分股各匪
尙未剿淨議定永保帶兵在彼防截卽於初七

日與永保分營同綸布春帶馬步官兵追剿張

漢潮十一日趕過五郎江口在海陽壩將賊截

回賊仍折竄東南鎮安地方我帶兵緊追嗣因

分股賊匪在西面山峽一帶狂竄我由火鑱溝

東龍王溝往來截殺賊遂竄入老林我於二十

三日仍卽帶兵從五郎關四畝地一帶追剿張

漢潮至洋縣地方聞知明亮帶兵趕來我於九

月初二日趕到明亮軍營明亮議定自帶兵勇
入棧與恒瑞截剿我由留壩山內追剿以便三
面合擊初五日賊竄棧道迤西先後接明亮來
信令我由沔縣畧陽往甘肅成縣迎剿十三日
行抵白馬關探明賊匪仍奔回棧東明亮令我
與恒瑞從鳳縣分路進山正在探剿九月二十
三日將抵江口卽咨調前來我自七月十六日

迄今共六十餘日計與永保前後合營二十餘
日至八月初七日分營前後帶兵行走雖我舊
傷發痛騎騁從未稍緩所到之處地方官俱有
報文可查不敢朦混至我與永保前此合營原
與明亮在鄂縣議定是以八月初七日分營十
四日奏報截回賊匪情形仍係聯銜具奏聲明
永保在大山岔是我分營追賊在前發摺在後

並非因奏摺未奉

批廻心懷疑懼始行分營但我到陝三月未能趕緊

剿滅賊匪實在無能有負委任惟求奏請將我

從重治罪

臣

嚴加究訊核其情節雖非敢有心

耽延而以自請赴營剿賊之人又蒙

畀以將軍重任未能將賊迅速滅淨卽科以貽誤軍

機之罪實無可追現在那彥成將永保革職訊

供容俟臣會同定擬奏辦再

盛京官兵改道入陝協剿所騎馬匹自應妥爲預

辦遵查前調陝甘營馬三千匹茲已陸續到齊

經藩司馬慧裕派員分起押赴商州並令潼商

道吳沂商州知州陳祚趕赴商南照料一切軍

行均不至有貽悞其晉省解川四起餉銀業已

全數照料送至廣元交收均奏入

上命軍機大臣傳諭那彥成松筠台布曰前因承保
奏在大山岔駐劄係接到明亮來札令其在彼督
兵守禦而明亮復以承保在大山岔逗遛一月叅
奏是以諭令那彥成松筠先向承保追出明亮原
札查對日月分別核辦今據那彥成等審訊承保
供詞並將明亮清字書札及一切信稿書稟進呈
朕詳加披覽明亮書內雖未指令承保在大山岔

駐守亦有或在彼督辦之語然其事即使屬實永保株守之罪自在而明亮亦不過欲傾陷永保設此詭計尙非明亮重大罪案茲永保供內有數月以來未見明亮截住賊頭又趙洵寄朱勲信內稱無奈賊匪連夜遁走爲日已久不能不一奏塞責任情鋪敘其所稱在龍駒寨樂莊牧護關三次打仗殺賊俱屬烏有救出被擄百姓亦屬子虛並據

差往明亮軍營探信之外委張起鳳稟稱自五月
至八月祇有鄉勇殺賊四名官兵未與賊打過一
仗亦未見過賊匪等情閱之不勝駭異軍營積習
於奏報打仗情形每多粉飾經朕節次嚴飭方冀
伊等稍知儆懼乃明亮奏報各摺竟敢肆行虛誕
迥出意想之外不料明亮喪盡天良一至於此朕
於軍營奏摺無不隨時指示明亮自五月至八月

奏報殺賊情形已有多次雖當盛暑之時朕必詳
細批示詎知伊一味憑空捏造毫無影響則朕彼
時批示徒勞詞費其中訓勵之語不一而足竟毫
不足以動其心是其遲誤軍機傾陷永保在伊尙
屬輕罪而有心欺罔負恩昧良可恨可惡現在那
彥成帶兵辦賊而台布亦幫同堵剿難以兼顧此
案著專交松筠審辦並傳集知府朱勳趙洵外委

張起鳳將所稟明亮欺飾各情節一一指實與明

亮對質使之無從抵賴並將永保呈出明亮書札

令明亮當面質認勿任支飾又閱永保供內有永

保密差外委張起鳳跟隨明亮營盤探信被明亮

查獲喝問有你不實說可以殺你之語是明亮竟

入白蓮教矣此一節亦著松筠嚴訊又前據胡齊

崙呈出餽送賑內明亮得過銀六千三百餘兩彼

時因明亮尙在帶兵追剿張漢潮望其卽行擒獲
是以留中未發今明亮已革職拏問着將此單發
交松筠一併嚴訊歸案計賊定擬至松筠所奏訊
問慶成供詞據供屢次剿捕雖有斬獲因爲數無
多無顏具奏雖不成話但慶成未敢公然謊報在
何處打仗殺賊若干較之明亮所奏全係虛詞者
有間且慶成舊傷未愈尙能騎馬帶兵追剿其罪

猶有一綫可寬前此松筠奏貽誤軍務之罪慶成

較明亮爲次朕意不甚以爲然今據奏訊情節慶成之罪止於未能趕上賊匪尙無別項狡飾之處

與松筠前奏所論適合松筠惟當將明亮永保慶

成等罪狀核其輕重分別定擬務期情真罪當明

亮永保慶成等俱係領兵大員將來核其情罪其

不至死者尙可如富成之例留於軍營卽應行發

遣亦可由該處發遣其罪當斬絞必應辦理者若
卽在該處正法恐賊匪等見帶兵大員不能獲賊
轉被刑誅未免心存輕視且大員獲罪當令大學
士九卿會鞫定案卽在京正法軍營中聞之亦必
各知警惕着松筠於定擬後擇其罪重者奏明候
旨派員解京又據那彥成等奏報入山剽賊日期
摺內稱張逆率領千餘人由草灘溝竄入留壩山

南江口一帶其分股賊匪尙有一千七百餘人西竄五郎界內前次官兵俱在賊後尾追可見明亮節次所奏全虛伊帶兵旣已落後又敢安然坐轎任意謊報其罪尙可恕乎那彥成在西安已有旬日聞知賊匪往來奔竄急欲往剿但兵力未齊亦不可稍涉冒昧輕進此時明亮已經革職拏問所有明亮原帶之兵着交那彥成管領其帶兵將弁

等亦著酌量分派盛京兵現已陸續抵陝吉林兵
日內亦由京起程計日可到那彥成惟當鼓勵將
弁乘官兵新到銳氣將張漢潮一股上緊殲除再
將平利紫陽一帶賊匪悉數廓清至所稱築堡挖
壕雖亦制賊安民之法但賊匪狂奔肆突卽峻嶺
廣川亦捨命偷越豈區區壕塹所能限制乎此在
地方官預爲防備則可而領兵之人總以剿爲首

務不可分心及此又那彥成覆奏惟願不類一人
而軍事速竣所見非是將弁人衆勇怯不齊若概
事姑容豈能肅軍紀而勵戎行但當奏聞核辦耳
又據松筠奏此次賊匪分爲三股向西鄉奔竄內
有一股係王三槐餘黨可見勒保去年只將首逆
王三槐誘致邀功而置餘黨於不問以致輾轉勾
結復向西鄉滋擾王文雄督率將弁分投截剿尙

爲出力但時當冬令漢江水勢漸消恐賊匪不時
偷渡著松筠轉飭王文雄等嚴密防堵不可稍有
疎懈其竄入平利安康之賊松筠已令總兵柯藩
探剿並着飭知慶溥温承惠等就近協剿勿任與
西鄉之賊合夥至道員文需在漢中一帶布置嚴
密地方安堵實爲出力松筠素日公正所奏自係
實情文需着賞給按察使銜又台布叅奏知縣

振有心規避請旨革職所辦甚是著將莊振革職
留於軍營効力贖罪嗣後遇有似此畏葸規避之
員卽當照此叅辦庶陝省地方官知所儆懼不敢
仍前怠玩也

上諭內閣曰明亮剿辦張漢潮一股賊匪經年迄無
成功業經降旨革去叅贊大臣都統仍賞副都統
銜予以自効並命那彥成松筠確查明亮如有縱

賊實據卽行嚴叅治罪本日那彥成台布奏到審
訊永保供詞據稱數月以來總未見明亮截住賊
頭緊追賊尾無從與之夾擊且明亮咨送摺稿所
奏打仗殺賊投出民人係交隨營知府趙洵審訊
未見錄供稟報永保因令知府朱勳札詢據趙洵
覆稱明亮因賊匪遁走日久不能不一奏塞責任
情鋪叙所稱龍駒寨樂莊牧護關三次打仗殺賊

俱屬烏有救出被掠百姓亦屬子虛並據差往軍

營探信之外委張起鳳稟稱自五月至八月止明

亮一路軍營惟前隊鄉勇等兩次會殺賊二十餘

名官兵並未打仗一次閱之殊堪駭異明亮與永

保素有嫌隙前因明亮叅奏永保久駐大山岔一

月有餘遷延觀望先經降旨將永保革職拏問旋

據永保奏稱係明亮札令永保在彼駐紮現據永

保呈出明亮來札雖尙須查究未可遽以此卸永
保逗遛之罪但所稱明亮數月並未與賊接仗及
謊報軍情各情節係得之知府趙洵及外委張起
鳳稟報之語鑿鑿有據是明亮欺罔罪狀較之縱
賊爲尤重朕辦理軍務宵旰勤勞於軍營奏摺批
示不移晷刻若似明亮之滿紙鋪叙全係虛詞天
良業已喪盡尙安望其實心辦賊此而不嚴行懲

治何以整飭戎行朕又將何以用人乎至興肇每
次與明亮聯銜具摺乃於明亮種種欺飾之處扶
同入奏罪亦難追明亮與肇俱着革職肇問交與
松筠嚴審定擬具奏

分既難審宜辨其淺

同人濟裝亦難出閱萬與筆則清草難平問文與

火與即其難得具附以飲開有蘇蘇蘇蘇蘇蘇蘇蘇蘇

命何何難得其於此水之深以用其人乎宜與與與與

欽定剿平三省邪匪方略正編卷一百二十六

己未年

十月初五日

庚寅

額勒登保奏言查王登廷與鮮

大川苟文明冉添元等股或分或合尙在通江

一帶其七十五所剿之徐添德及許文謨等追

剿之庖姓張金魁等股俱已竄近東鄉太平是

此時賊匪俱已逼歸川北又據許文謨稟報該

鎮帶兵追剿庖姓等股至太平馬鞍寨地方該

處寨首張禹苟崇德等拏獲王登廷股內偽總

兵周思禮一名據供該犯在王登廷夥內爲西

北兩路偽總兵尙有東南一路偽總兵王應奇

旋據通江縣知縣徐廷鈺稟報王登廷分出偽

總兵王應奇帶領三四百人假充官兵在空山

壩寨下經過該寨監生何坤祿等率領附近團

勇擊截當將王應奇鎗斃並投出被脅民人

百餘人其夥黨及旗首李貓兒等全數殲淨各

團勇實心出力洵堪嘉獎周思禮一犯業經許

文謨解送達州交魁倫就近核辦其殲斃王應

奇之何坤祿等

臣

已給予八品頂戴隨從殺賊

之人各賞給銀牌其投出難民飭令查明安插

維時尙有陣亡鄉勇四名先經酌給銀兩安埋

並飭通江縣造報咨部請卹看來王登廷一股

黨與亦漸殘敗而其狡詭百出與鮮冉等逆互相倚恃急應以次掃蕩隨飛飭七十五李紹祖等緊躡徐逆等追剿不予以暇臣行抵巴州之

走馬嶺接據魁倫札稱達州現有查辦事件急切不能前來但魁倫於事竣後仍應帶兵剿賊查達州營山一帶尚有存留兵二千餘名恐尚不敷一路進剿之用應於魁倫進兵時再行添

撥勁旅交與帶領山魁倫既經帶兵另爲一路

亦須熟籌鎮將以資得力春寧素嫻軍旅現駐

廣元究係防堵今

臣

添委叅將舒林保前赴廣

元更替廣元百丈關一帶本有防兵一千六百

餘名該處路徑叢雜賊匪易於竄逸關係緊要

臣

又添派官兵四百餘名交遊擊范建懋帶往

與舒林保會商嚴密堵禦卽令春寧前往達州

預備隨同魁倫剿賊又齎送經畧印信來營之
總兵百祥久經行陣亦卽飭赴魁倫一路聽候
調用再聞德楞泰追賊已抵菜子壩一帶該處
路通川省大寧恐張辛二逆已有折竄川中之
勢德楞泰所帶之兵卽一時不能剿淨亦必將
該匪等逼歸川省刻下川東夔巫等處現無別
股賊匪臣飛飭該處文武就現有之兵勇悉力

堵禦俾德楞泰一路官兵得以痛加剿洗並查
夔巫一帶向有七十五在彼駐劄今七十五已
帶兵剿賊該處爲川東門戶現又飭調總兵穆
克登阿前往夔府令其相機堵剿伏思陝楚各
路軍情俱有領兵大員自可隨時奏報若必俟

臣據咨轉奏已在各路之後此時臣先當設法

剿淨川匪惟陝楚情形亦隨時更易或已經得

手可以餘出兵力剿辦他處卽應隨宜調撥現
亦知會那彥成明亮德楞泰等務將剿辦情形
隨時知照以憑酌商辦理再那彥成明亮等現
在陝省統領官兵松筠亦在陝境帶兵防禦所
有各路打仗出力人員均應隨時鼓勵那彥成
等係

呈上簡用大員自必遴選得當臣相距較遠恐往返

咨送稽延轉致一時帶兵不得其人嗣後陝省
軍營武職各缺應卽由那彥成等酌量奏補以
歸簡易奏入

上命軍機大臣傳諭額勒登保曰川省賊匪王登廷
與鮮大川等尙在通江一帶往來滋擾徐添德及
庾元等俱已竄近東鄉太平額勒登保飭令七十
五等緊躡追剿逼回川北不使賊勢散漫將來那

彥成剿辦張漢潮完竣後即可騰出兵力歸併合
擊將川省各股賊匪殲擒所辦甚合機宜其許文
謨一路打仗陣亡之鄉勇四名額勒登保先經酌
給銀兩安埋仍飭令通江縣造報咨部請卹前次
松筠亦會如此辦理具見細心所有殲斃王應奇
出力之監生何坤祿等額勒登保已給予入品頂
戴此等出力義勇自當加之獎勵惟摺內尙有等

獲王登廷股內僞總兵周思禮之寨首張禹苟崇
德亦屬出力是否卽在何坤祿等內一體獎賞之
處未據聲敘明白如未經賞及亦著給子八品頂
戴俾益加鼓勵至所稱魁倫於事竣之後仍應帶
兵剿賊應於伊進兵之時添撥勁旅交伊統領並
派員替出春寧前往達州預備隨同魁倫一路剿
賊此則不必魁倫於帶兵打仗本不如額勒登保

之久歷戎行素爲熟練且伊有審辦勒保福寧之
案情甚關緊要其案頭緒紛繁亦非一時可了前

已諭令魁倫無庸前赴巴州惟當駐劄達州專辦

審案想額勒登保尚未接奉前旨故有此奏今魁

倫既不令其帶兵卽春寧亦無庸令其前往達州

預備春寧曾經行陣現旣更換來營額勒登保當

酌量情形或春寧可以獨當一面卽酌派兵丁令

其帶領於緊要處所自爲一路剿辦賊匪否則或
令隨同打仗亦可得力其總兵百祥亦當留於額
勒登保處聽候調度無庸令赴魁倫一路也至額
勒登保以那彥成松筠兩路出力人員均應隨時
鼓勵恐往返咨送稽延嗣後陝省軍營武職各缺
應卽由那彥成等酌量奏補額勒登保身任經畧
而於各路出力人員仍令自行保奏不肯權歸一

已實能以公事爲重亦屬可嘉其所奏松筠擬送
陞補武職各員及請將穆克登布補授總兵守備
桂涵陞補都司之處俱已照所請行矣

同日魁倫奏言查線字號一股賊匪係龔文玉
爲首龔奇位爲僞元帥卜三聘爲先鋒自擒獲
龔文玉之後又生擒龔奇位俱經勒保審明正

法臣抵達州後查明尚有卜三聘龔建二犯未

經辦理適據鎮臣許文謨稟送拏獲王登廷股

內偽總兵周思禮一犯又護軍統領春寧拏獲

張世隴股內偽先鋒張國應一犯先後解到

臣

逐一親訊據卜三聘供稱自嘉慶二年閏六月

從賊起事與龔文玉龔奇位一路抗拒官兵嗣

在入石坪潛逃被獲龔建亦稱自元年從賊起

事先與龍紹周唐大信徐萬富爲一路後與龍

唐二逆分夥又隨樊人傑一路與徐添德等約

同竄楚旋復折回在火峰寨臨陣被獲又周思

禮供稱係王登廷手下偽總兵派令該犯假充

難民赴通江之馬鞍寨裏應外合致被寨首苟

林修等盤獲又張國應供稱與張世隴等在襄

陽同時起事先充探馬頭後爲偽先鋒因被額

大人官兵剿散脫逃經廣元團勇楊文喜等盤

獲該犯等均係謀逆首從要犯臣於訊明後卽

恭請

王命派員將各該犯分別凌遲斬梟示衆再查卜三

聘子姪及其子婦四名口俱例應緣坐長子卜

正順年已二十卽當斬決第該犯屢次勸父出

投卜三聘懷疑不聽此次由入石坪逃出又係

卜正順首先到家約同親族赴府投首行至中

途經馬兵施洪道等問明帶回將卜三聘拏獲
其情尙屬可原質之卜三聘及緝捕兵勇人等
均無異詞臣查本年奉有

恩旨自首免死數月以來解散者實有三萬餘人茲

王命既審出卜正順有勸父投首及自行赴府實情

自應赦其一死臣現已給予免死印照并出示

曉諭以下三聘爲著名首逆如果聽從伊子勸

諫及早出投亦當免死今卜正順係例應緣坐
立決之犯因其先有投首真情卽予寬宥如此
明白宣諭俾各股賊匪聞知無論首夥投出皆
可免死則翕然來歸自更易於解散至其次子
卜正江胞姪卜正開俱年未及歲與其長媳卜
鍾氏仍一併監禁歸入各犯緣坐案內照例辦
理再查前任達州知州戴如煌先經英善撤回

聽差嗣經宜綿叅奏革職并將告病勒休之知

縣俞廷舉一并叅革留於軍營効力復據勒保

查明戴如煌旣已叅革現成病廢尙有經手報

銷未完一俟辦竣再令回籍俞廷舉卽飭令回

籍至忠州知州吉興亦於本年二月間經勒保

叅奏勒令休致惟戴如煌係貪劣之員旣經奏

叅革職卽應嚴飭將經手事件立限交代清楚

豈得任其藉詞報銷逗遛觀望

臣

現在飭提親

驗如果該員病廢屬實所有經手報銷各案限

以月內趕緊辦完如有稽延及隱漏朦混等弊

立即嚴叅治罪奏入

上命軍機大臣傳諭魁倫曰魁倫奏審明首逆卜三

聘等分別凌遲斬梟所辦具見細心其卜三聘之

長子卜正順魁倫因其屢次勸父出投又首先赴

府投首於法無可貸之中寬以一綫之路給予免
死印照並出示曉諭以廣招徠此亦解散賊黨之
一法所辦亦是又叅革知州戴如煌魁倫現在飭
提親驗戴如煌平日居官既有貪劣款蹟叅革後
卽應嚴飭將經手事件勒限交代清楚何得任其
藉詞逗遛魁倫於提到後應卽飭將經手各項勒
定期趕辦完竣倘尚敢藉病宕延隱漏朦混及

有侵短款項卽當嚴叅治罪毋稍寬縱至魁倫審
辦勒保等一案自己得有端緒前據魁倫奏到審
訊大概情形朕詳加察核勒保之罪較之明亮等
之挾私欺罔尙屬有間但罪名輕重朕亦並無成
見魁倫惟當秉公查審將勒保福寧二人於軍需
有無侵扣入己之處核其情罪及銀數多寡分別
按律定擬候旨遵行

初九日甲午魁倫奏言川省軍興以來奏撥帑項

至一千九百五十萬兩款目既繁閱時復久當

時經手局員如道員承勲李憲宜等均已病故

輾轉易手經理其中誠不能無浮濫侵蝕情弊

查辦理軍需向有定例例外供支卽屬浮冒臣

提取軍需局冊檔逐加詳核惟長夫長騾及僱

募鄉勇兩項所費取大其數目亦最易糾纏難

以稽核伏思長夫長騾一款初因宜綿惠齡等

統兵由陝入川各兵皆帶有長騾每日給發騾

價銀每頭五六錢不等川省接辦之初因一時

軍務緊要一面照數給發一面詳請移查陝省

辦過成案旋據陝省覆稱係屬權宜辦理並無

成案可稽隨經川省司道議以現查各兵營盤

所領騾價每兵十名長騾五頭以二萬官兵計

算卽用長騾一萬頭以行坐脚價牽勻四錢計
算每日卽需銀四千兩爲數不少請酌減每兵

十名給長騾一頭其本無長騾者每兵十名給

長夫二名經宜綿批駁以官兵移營追賊軍裝
之外尙須裹帶數日之糧每兵十名給騾一頭

或夫二名不敷應用飭再妥議該司道等復行

酌議每兵十名給長騾二頭其本無長騾者卽

給長夫三名旋經宜綿札行司道定以滿兵每
百名給長騾二十五頭綠營兵丁如陝甘等省
本係帶有長騾者每兵百名給長騾二十頭本
無長騾者每兵百名給長夫三十名其長夫價
值每月給銀三兩每日給口糧米一升長騾僱
價每月九兩騾夫不給口糧彼時並未奏明有
案而各路帶兵隨營糧務各員均卽遵照辦理

嗣於嘉慶三年二月間福寧接管糧餉以此項

需費浩繁一面咨商勒保會奏一面通飭各路

軍營停止俟奏明接准部覆後再行遵辦嗣於

七月間勒保福寧等聯銜具奏經部議駁以馱

馬係應付征兵過站之例至到營後已有乘騎馬

匹不過移營搬運軍裝行李或需抬送滿兵每

百名例給跟役五十名綠營兵每百名例給餘

丁三十名又撥給隨營夫二十名如移營數里
及十餘里者自應卽令隨帶之跟役餘丁長夫
輪番搬運儘足敷用倘乘勝長驅日行百十里
至數十里另撥站夫應付亦應將所帶跟役餘
丁長夫按數扣除報銷又何必另給長夫五十
三十並改給長騾二十及二十五頭紛更成例
隨於十月接准部文通行無如前此承辦各員

業已相沿辦理臣查宜綿所辦只顧一時權宜

不行通盤籌核以致所費不貲固屬顛預浮濫

但據現在事勢而言各路官兵追剿賊匪因該

匪奔竄無常必須逐日移營分路追擊每日行

走百餘里或數十里遇賊卽須打仗而所在深

林密箐隨處更須偵探搜捕以防伏匪實與歷

次用兵攻圍一處再攻一處情形不同所有軍

裝糧石兵力實難兼顧而荒山僻路一時復不能僱覓夫騾是長夫長騾一項現雖奉文停止但勢所必需之處未能拘泥成例致悞軍行是以每次所發餉銀各路承領或三萬或五萬在福寧以爲足支正項數月之用而領兵之員及臺站糧員則皆以此先行扣還墊供夫騾價值轉將正項兵餉懸欠於下次請領之時補給此

軍需款項不能卽時劃清確核之緣由也又如
鄉勇一項始由賊起倉猝各州縣兵衛空虛雇

募鄉勇防護城池堵禦卡隘而各營兵力單薄

之處亦隨帶鄉勇協力合剿先經宜綿奏明分

別給予錢文照湖北之例辦理嗣因各州縣多

有被賊蹂躪者守卡鄉勇買食維艱復經奏明

支給口糧第賊匪往來滋擾緩急情形各有不

同各州縣所募鄉勇盈千累萬糜費鹽糧實爲
浩大經福寧於嘉慶三年二月間通飭核辦隨
經臬司先福議改鄉勇爲團勇行令自保村莊
自籌口食無事之時歸團自贍一聞隣封有警
卽刻點齊按名支給鹽糧馳赴各要隘堵禦賊
退仍卽歸農所有常川請領鄉勇鹽糧之處概
行停止其距賊較遠之州縣一概不准冒開經

福寧與勒保核准通行然賊蹤東奔西竄有此處方議裁撤而彼處又稟添募者有甫經飭令

歸團旋復派調堵禦者現在辦理情形不能預

定卽難以徹底查核

臣

查長驛鄉勇兩項易滋

浮冒目下雖未能暫行停止而自福寧經手以

來節次行文嚴核批稟駁飭較從前宜綿所費

已爲減省是以各屬帶兵之員均不免於福寧

稍有怨言卽前次勒保覆奏德楞泰支用餉銀
二十萬兩亦謂其辦理軍需太緊至福寧有無
自行侵肥之處查達州局係道員石作瑞一手

經理臣再四設法鈎致尙不能得其確實憑據

該道平日聲名本屬平常臣擬俟廣興到日卽

將該員撤出軍需局委令廣興所帶司員接手
辦理局務彼時自可得其底裏再川東道嚴士

鎡先經派在勒保軍營總理事務該員官聲尙

好在川多年熟悉地方及賊匪各情形臣現留

該員在此俟廣興到後商同派令在局專管各

路米石撥運催僨之事又撫卹難民需費繁多

開報亦易滋弊混劉清現在川北一帶招撫難

民臣已調至達州令其隨同廣興辦理糧餉並

擬將撫卹一事專交劉清核實經理至前此廣

興所解餉銀二百五十萬兩臣查此項分撥省

局九十萬兩達州局八十萬兩保寧局三十萬

兩又備辦撫卹銀五十萬兩內貯達州庫三十

萬兩分撥保寧局二十萬兩嗣據達州局員稟

稱該局所存銀兩除支發外八月內已不敷銀

二萬五千九百餘兩由省借撥銀十萬兩動支

現在實存借撥項下銀七萬四千五十兩零保

寧局員稟稱該局所存軍需除支發外截至八
月底止實存銀四萬六千二百九兩零收撫卹
銀二十萬兩除支發外實存銀六萬六千一百
七十四兩省局藩司稟稱撥到餉銀九十萬兩
加以舊管七萬三千餘兩並新收正雜銀二十
二萬七千餘兩共計銀一百二十萬餘兩截至
八月十五日止除支發各款外僅存銀十五萬

兩復因達州局餉銀不敷應用借撥十萬兩實

存五萬兩其各局支用俱有逐款細冊可稽總

緣奏請之時已屬急需而道路阻長每次請領

自京至川必須三月有餘應發之銀不免拖欠

壓積以致餉銀甫到一經開發便覺無餘且近

年本省錢糧曾經蠲緩所有本省例應支給官

兵俸餉等項均卽由省局存貯銀兩內支銷是

雖動用軍需之銀而實係動用本省錢糧之項
與軍需無涉現在山西省撥解之銀頭二兩起
二十萬兩業已解到兌收其三四兩起之二十
萬兩尙未解到本年收成豐稔先經藩司林僑
於勒保任內稟請採買穀二百萬石預備明年
兵米之用所以勒保有請撥餉銀五百萬兩之

奏臣抵達州後復經該司稟稱趁此收成之際

必須預爲採辦至少亦必須一百萬石臣當卽

批准該司飭令於穀多價賤之州縣先行出示

照例採辦俟餉銀到日給還現據成都等縣報

稱該縣民情踴躍採辦之穀已有陸續上倉者

是臣前所請發之二百萬兩到時卽應將五十

九萬兩撥發採買穀價而所買穀石亦係支給

通省兵米不專爲軍需之用所餘一百四十餘

萬分撥各局約計亦祇可敷十月十一月供支
總之賊匪一日不平卽軍需不能一日不備

臣

查川匪情形有楊開甲張世隴苟文明鮮大川
冉添元王登廷等數股俱在通江南江一帶現
經額勒登保在彼剿辦徐添德一股現在東鄉
一帶
有七十五木射斗李紹祖等專剿度元張
金魁二股現在太平界內係許文謨褚大榮專

剿辛聰張添倫二股現在陝西平利界內係德楞
泰剿辦其所需軍餉仍就近由川省之大寧縣
辦運又有樊人傑龍紹周二股先在太平近日
聞其竄匿陝西邊界雖各逆人數比前已爲大
減而股數尙多分股竄突官兵旣須分路追剿
糧餉亦卽須隨時分路趕運

盛京吉林之兵計此時已到陝省剿辦張逆歲事

後明亮等卽應會合帶兵全數入川彼時所需

糧餉更多

臣

輾轉思維不得不預爲籌畫惟有

仰懇

聖恩量撥數百萬兩來川備用

臣

與廣興妥立章程

逐款按例核實支用卽或例所本無勢有實在
必需之處卽隨案據實奏明請

旨定奪不許將別項通融致滋牽混至上年部撥餉

銀短平一節臣密傳總理達州局之道員石作

瑞面加詢問並提取保寧省城二局冊案札詢
總理省局之藩司林儁總理保寧局之道員李
鉉吉陞保先後據該局員等稟覆同稱上年部
撥餉銀來川時先經飭委同知那山前赴廣元
縣守候接收分撥各員管解隨於上年十二月
二十日那山稟報接准陝西委員解到第一起

京餉二十五萬兩並銀平一桿到站據陝西委員稟稱陝西軍需局較准十六兩正平六桿在潼關廳眼同山西解員按起連匣秤准編成號數註明筋兩粘貼匣面並另造清冊照數解交那山當卽眼同陝西委員逐匣過平開匣點驗錠件零星銜色九九用庫砧比兌或九六平或九七八平不等合之原來清冊所註筋兩相符

隨卽撥交各員分解並將陝省來平三桿照依
銀匣號數輕重造冊分解達州省城保寧三處
總局以便按匣對冊照數平收維時三局各按
分解銀數用部頒砒碼逐匣彈兌各起均有短
少通計共短平銀十一萬三千二百四十一兩零
隨經福寧英善與勒保會商定以發給兵餉則
補足庫平其餘各營夫騾價值及一切雜款除

扣平一兩外均以原平發給三局業經一體遵辦惟省局有支發滿漢官兵俸餉養廉米折公

費等項應於地丁項下開支據藩司林僑稟稱

共發過銀四十九萬七千五百兩零均係補足

庫平於歷次軍需扣收平餘歸公項下借墊支

發共墊發過銀二萬一百四十兩零尙未歸款

臣

復詳加查訪所有上年部撥之項實係原銀

短少該局員等尙無影射侵漁情弊但當時旣未據實奏明含混接收迨奉

旨查詢始行具奏實屬非是又查出有嘉慶二年宜綿任內陝西解還川餉銀一百一萬兩短平銀五萬五千四十兩零咨請陝省補還該省以係屬部撥原銀不肯賠補咨覆一咨之後事隔年餘不奏不辦至今此項尙屬懸宕無著殊非核

實辦公之道臣逐日查核各局員所開冊案須

得各路軍營所用實在細賬核對方可得其支

用確數但此時各路帶兵之員及隨營經手辦

理糧員均未便調其前來逐一核算若祇憑所

開冊報欸項亦不足臣爲實據應請俟大功告

竣之日統行核實查對將應銷應賠之項逐件

清釐臣現在籌辦各路應用糧餉趕緊分路接

濟俟廣興到時面商妥協卽可帶兵剿辦餘逆
以期肅清邊境再查福寧一切日用薪水食物
俱係發銀達州糧員採辦據糧員呈出福寧發
銀印札十紙每次所發或一千兩或五百兩均
於札內開明如有不敷續行找領計自嘉慶三
年二月內到達州起扣至本年八月止共發過
糧員銀五千五百兩是福寧本有心計之人所

辦諸事皆已預佔地步一時實難得其弊竇確
據惟於部撥餉銀短平一案既未卽時奏明及
奏出後又不將嘉慶二年陝省解還川餉短平
五萬餘兩之處一併奏辦實屬含混應請將福
寧革去副都統職銜仍留達州聽候核算軍需
賬目以便臣與廣興確切查辦奏入

上命軍機大臣傳諭魁倫曰川省軍需長夫長騾及

僱募鄉勇兩項所費最大現據魁倫查奏如長驪
長夫初因軍務緊要一面照數給發一面移查陝
省辦過成案而陝省以係屬權宜辦理並無成案
咨覆此二語卽係舞弊之根迨川省議定核減章
程宜綿又謂爲數不敷仍行酌量加增並未奏明
有案是卽宜綿之過其鄉勇一項雖將常川請領
鹽糧之處概行停止嗣又因賊蹤飄忽靡常有此

處議裁而彼處又添募者有甫輕飭令歸團旋復
派令堵禦者兩項糾纏不清自難保無藉端影射
情弊魁倫以各路官兵現在追剿賊匪勢難概行
裁撤而設法鈎致尙不能得其底裏擬俟廣興到
日卽將從前經手之局員石作瑞撤出另行派員
接辦無難查出確實憑據自應如此辦理至福寧
到川接辦糧餉現據魁倫奏稱詳查福寧經手欸

項及有無餽送實難得其弊竇確據惟于部撥餉銀短平十一萬餘兩一案並未卽時奏辦而陝省解送川餉短平五萬餘兩又始終未經上聞實屬含混福寧著革去副都統銜仍留達州聽候核算軍需賬目以便魁倫與廣興確切查辦但福寧自接辦軍需以來聞其與勒保節次批駁核減以視從前宜綿等所辦較爲嚴緊以致帶兵各員多有

怨言是福寧於支發軍需似尙無別項情弊卽如
胡齊崙在襄陽辦理軍需因其浮濫支銷並有侵
貪入已劣蹟恐人舉發是以於永保進京後餽送
銀六千兩冀其代爲隱飾若福寧果有情弊豈敢
過爲刻覈結怨多人而不慮其攻訐耶著魁倫將
此情節向福寧面爲開導現在查明伊經手之項
如果無弊則福寧尙可免罪另候擢用惟福寧係

接辦宜綿英善明興局務伊雖無任意浮冒侵肥
及餽送等弊然果皆實用實銷則先後所發數千
萬帑金俱作何用福寧此時若能將宜綿等底賬
呈出或指出確實欸據則福寧之罪不辯自明況
勒保明亮俱已革職孛問若果有得受餽送及濫
行提用之處卽據實呈明于伊等本罪亦無可加
卽代爲遮掩於伊等本罪亦不能減福寧更不必

代爲隱飾卽宜綿英善明興雖離局已久而其從
前經手局員必尙有任事者亦無難向其跟究得
實也至魁倫奏稱前此廣興所解餉項據各處局
員稟稱存項已屬無多其魁倫請撥之二百萬兩
現因採買穀石已有陸續上倉者卽應將五十九
萬兩撥還穀價所餘一百四十餘萬分撥各局通
計止可敷十月十一月供支之用請量撥數百萬

來川備用朕亦鑒其不俚付已之實情魁倫松筠俱

廉能體國之人朕亦斷不忍疑其稍涉侵尅之事

若於伊二人亦不深信之將委任何人辦此軍需

重事今已令戶部於兩浙兩淮商捐項下及江西

秋撥並部庫湊撥銀二百萬兩發給現據魁倫奏

各股賊匪除陝省張漢潮外其在川北及與川陝

交界各等處者尙有十三股魁倫之意或慮目前

有未必卽能蕨事光景但再不能尅期速竣勢必
續請添餉又須於部庫及各省通盤籌畫紛紛撥
解以有定之欸供無已之求將何由接濟乎魁倫
務須會同廣興加意減省樽節妥爲經理現在魁
倫審辦勒保一案尙未得有頭緒而清理軍需尤
爲緊要其所請分身帶兵剿捕餘孽之處自可不
必惟當遵照前旨勉力妥辦也

欽定剿平三省邪匪方略正編卷一百二十七

巳未年

十月初十日

乙未

上命軍機大臣傳諭額勒登保曰本日有四川候選
從九品雒昂呈遞封奏內稱鼓勵鄉勇以助軍威
原赦引降以分賊勢其言多有可採軍營堵剿賊
匪原藉鄉勇以助官兵帶兵大員亦多量爲獎拔
但止係虛給頂戴在身受者雖以爲榮第恐事竣

之後地方官因視爲虛職易於革退任意凌侮殊未足酬其前勞而收其實效嗣後各路將領於鄉勇團頭有能分外出力殲殺賊匪者卽議請授職予以實在頂戴則義勇中知有此破格之榮自然人人踴躍效命爭先於協剿更爲得力又良民被賊圍裹割辮爲記面刺白蓮教字樣逼勒入夥其有悔罪出降者官兵若因其顯有教匪標識悉予

駢誅則無分玉石而畏死附賊者益多且身爲教

匪斷無割辮刺字之理皆由賊匪逼裹良民恐其

投出強爲割辮刺字使之畏懼官兵誅戮以堅其

脅從之心嗣後帶兵大員務須查訊明確如實係

被脅良民毋論短辮刺面俱准歸降給照復業使

陷入賊中者聞風投首亦解散賊黨之一法此二

事著額勒登保妥協酌辦務使鄉勇知所奮勵張

我軍威而良民之脅從者亦足遂其歸化之誠於
剿撫機宜較有裨益適據魁倫奏請撥解軍餉赴

川現已酌撥應用但軍務一日不完則軍餉一日

需用額勒登保身爲經畧自當於國用軍需通盤

籌及今計算川陝賊匪共有十四股額勒登保惟

當激勵將弁趕緊剿賊務於年內一律辦完方爲

不負委任也

上又諭內閣曰本日軍機大臣接據候選從九品雒
昂呈遞封事一件所陳剝撫事宜各條其言尙屬
可採亦多近日已見施行之事其人尙有出息著
自備資斧前往陝西交與松筠差委如果奮勉出
力卽照原銜補用

同日

上命軍機大臣傳諭吳熊光曰昨有河南鄧州民人

張靖呈訴伊弟張盡曾充鄉勇在湖河鎮運糧被

賊戕害經巡撫給與千總職銜並據呈出印票內

開武童張盡王清給千總職銜鄉勇徐榮太耿士

魁喬洪志許增志張士和五人給外委職銜因交

兵部查核河南議卹義勇案內並無張盡等七人

之名此等鄉勇急公致命者既經分別給予職銜

執照自應奏明咨部辦理乃前任巡撫不以爲事

不過彼時給與一紙執照旋即遺忘殊非鼓勵之
道大約河南一省似張蓋等得有空照而未咨部
者尙多著吳熊光卽查明張蓋等七名原案補行
咨部此外如有似此遺漏咨部者亦卽一面奏聞
一面咨部辦理

十二日

丁酉

明亮恒瑞與肇奏言

臣

明亮由寶雞

沿山查看湯峪黑水峪一帶出省要隘於二十

七日入子午峪趕緊馳抵秦嶺沿途詢問尙未
得有張逆等大股竄來確信旋接富成稟報張

逆分出兩小股賊匪合併一處伊在石泉溝接

仗殺賊七八十名賊卽竄至六里溝有欲逃往

五郎江口之勢計算江口與臣大營相近自應

趁張逆未到之先與富成夾擊先將小股撲滅

以免牽綴官兵當卽督兵星夜進發黎明行過

江口甫抵冷水溝據前探報稱對面山梁有賊

匪數百人騾馬百餘頭匹往洵陽壩奔竄

臣明

亮興肇帶領馬隊並飛催各隊步兵趕緊接續

前進該匪一見馬兵卽回奔至山下正遇富成

追趕小股賊匪前來兩路夾擊賊人翻入老林

捨命狂奔富成由老林左手緊追

臣

分一半兵

勇由右手跟蹤追殺隨從溝內繞出洵陽壩迎

擊三路官兵追殺五十餘里殲斃賊人八九十
名生擒錢琮等十三名搶獲騾馬刀矛旗幟甚
多內有大帥旗一桿其執旗頭目當被官兵李
景明戳死訊據錢琮等供稱此係張漢潮大股
昨由老黃溝涼沁河一路連夜狂奔前來因矛
手甚少急欲尋小股合夥不想又遇大兵截殺
張漢潮冉學勝等逃入老林不知去向當將該

犯等交糧員張約研訊分別辦理查賊匪逃竄

去路左手可通大燕溝從老林中路可至月河

右手可至甘叉河臣令富成卽帶原兵由江口

馳回大燕溝堵剿派侍衛富蘭等帶領兵勇由

中路老林追剿臣與興肇督率愛星阿等帶領

索倫馬隊等兵翻腰竹嶺至甘叉河截剿次日

途聞據前探報稱小股賊匪仍分兩股一股約

有六七百人昨夜在桃園溝地方已歸併張逆

一處一股有三百餘人往四畝地一帶潛逃

臣

行抵甘文河賊匪尙在山內未出適遇

臣

從天

賜山派出副將冬爾濟扎普等帶領官兵跟追

張逆前來面稟伊等緊躡賊蹤每日沿途擒殺

落後賊匪七八名四五名不等又接恒瑞來信

云慶成所帶之兵已交綸布春帶領趕至恒瑞

處恒瑞卽帶兵從龍王溝長坪一帶截剿並囑
綸布春直由五郎追剿復派千總張起鰲帶領
鄉勇由四畝地一帶尋蹤追擊臣從太山廟趕

至月河賊匪已竄出月河逃上對面大山官兵
趕上山梁鎗斃賊人三四十名賊人不敢由小
路下山向林內紛紛亂竄約起更時富蘭等亦
帶兵跟蹤而來並稱昨日在林內趕上賊匪殺

死百餘名擒拏吳廷璧等六名俱係襄陽河南

人皆立予駢誅查賊匪由林內竄逃若不折回

甘父河必出石門溝向大仁河潛逃

臣

令富蘭

等帶兵趕赴洵河抄截仁河出口之路

臣

同興

肇督兵趕赴太山廟截住甘父河去路賊人已

在對面高山屯聚

臣

等官兵僅到五六十名其

餘各隊尙在溝內未能上來索倫藍翎委官克

成額拿獲賊探張誠明據供探知官兵都下溝
去張逆差伊來此探聽有無多兵欲來搶奪馱
騾旋即被獲等供將該犯立行正法當令官兵
多設號火鎮靜埋伏以待逾時鄉勇李景明來
報賊匪知有準備俱即遁逃臣等督催後面之
兵趕躡至石槽溝據帶領前隊兵勇遊擊應元
寬差人來報張逆大股賊衆在張家坪暫歇聞

得綸布春紮營不遠一面差鄉勇飛報去後一

面稟請速發大兵趕緊前進臣聞信卽同興肇

督率馬步官兵趕至張家坪綸布春與賊對敵

正當喫緊之際臣等兩路官兵齊至恒瑞所派

張起鰲亦帶鄉勇前來兵勇一擁而上鎗箭齊

發殲賊二百餘名生擒男婦八十四名口貴州

守備楊正明帶兵生擒首逆李潮兩路官兵鄉

勇搶獲鎗刀器械甚多臣面訊李潮究問張漢

潮下落據供我同張漢潮在一處因石巖甚高
騾馬俱失正欲跳崖逃竄我被官兵矛戳將我
拏住我見張漢潮也被官兵戳倒不知生死並
將擒獲衆賊及割獻首級令李潮一一識認並
無張漢潮在內當派遊擊胡定泰帶兵搜山至
次日辰刻尋出屍身二十具有首受矛傷老年

屍身一具令擒獲男婦等細認皆云卽是張漢
潮並派富蘭等先問李潮據供張漢潮左眼有
肉贅左邊齒落其一黃白短鬚身高面長眼珠
微有藍色復將各屍身令李潮識認據李潮將
張漢潮屍身指出與所供相合毫無疑義當將
張逆屍身碎剉所有擒獲賊匪訊明從賊日久
曾經與官兵打仗者概予駢誅其餘被擄男婦

交糧員張約細訊分別辦理至李潮供係起事

爲首之犯與_臣等素日所聞不同且云能設法

引出餘黨所供雖不足信若果能如此亦解散

之一法並可稍省兵力現在那彥成行營已由

西安至大峪口_臣酌派妥員多帶官兵將李潮

並張逆首級解送那彥成行營查訊辦理現在

賊目惡黨所剩無幾亦必乘勝趕緊掃除淨盡

查綸布春打仗奮勇尙能布置今同領一路官
兵或分或合於剿辦更易得手並嚴飭五郎山
陽鎮安商州孝義各路帶兵員弁及地方文武
務須將殘匪加意搜剿勿使一名漏網

明亮又奏言竊

臣

疊受

聖恩再造矜全心非木石焉有不思圖報轉爲無恥

喪心之事今蒙

聖恩訓示並未加之嚴譴感激涕零伏念臣自到川

陝軍營見軍需浩繁承辦之員毫無章程卽應
得分例至今並未支領原爲保守體面若果到
處勒索必有證據真僞自易查詢萬不能掩至
從事行間爲日最久凡遇打仗必身先士卒布
置差未失宜卽截剿賊匪屢獲勝仗四省百姓
亦所共見現在各股竄匪所懼官兵惟額勒登

保及^臣兩路爲最衆口僉同而怯懦之人每多

憎忌欲行傾陷因無把握不能直陳故布散流

言情人代傳竟令^臣有勒索避賊之名至坐轎

一節去冬至河南下陽打仗後感冒寒疾彼時

足軟腰疼力不能支暫乘竹兜今春照常騎馬

但賊匪往來俱係重山複嶺之中間有不能騎

馬處所是以帶兵大員不善行走者俱用竹兜

鼓隨以備暫時應用實因限於山險非圖安逸

之故臣幼曾演習頗能行走近來腿足究因受

傷舉步不能捷便會有時暫用竹兜一聞賊之

所在仍卽騎馬緊追八月十三日追賊至松樹

坪洶渡君子溝水溜石大因馬失足墜河幸無

傷損九月十三日天賜山追賊人馬墜於橋下

左手兩腿右股俱受微傷因有竹兜可以將養

總未敢停歇一日臣自愧衰鈍無用因奏事列

銜居首碍難自敘未敢據情入

告今蒙

特派那彥成來陝督辦軍務臣自當謹遵

聖訓奮竭血誠會商剿辦至帶兵打仗係臣專責仍

不留一分餘力勉助那彥成速奏膚功早慰

聖廑庶可稍贖前罪奏入

上命軍機大臣傳諭那彥成台布曰張漢潮一股往

來陝境奔竄日久以至四川甘肅及楚豫等省俱
爲牽綴今首惡已除不特陝省卽可肅清卽楚豫
甘肅益臻寧謐並可騰出勝兵合力專辦平利等
處及川省各股賊匪可期迅速蕝功此股賊匪向
聞張漢潮爲首今訊明李潮始知張漢潮素不管
事而李潮竟爲起事首犯此次一併拏獲更爲可

慰但據李潮供稱情願寄信白號匪徒令其投出
明亮已將該犯解赴那彥成軍營李潮既係白號
爲首之人令其招出餘黨其計似屬可行但那彥
成祇當將該犯親筆書信記號著妥幹兵丁或卽
於現在獲匪中無關緊要之人賫赴白號賊夥妥
爲招致斷不可令李潮自行前往以致潛逃不返
轉留餘孽如李潮不過藉此冀延殘喘或卽寫信

往招而白號賊匪並不聽從於事無益卽當將李

潮凌遲示衆若果有成效白號賊匪相率投出則

李潮或可免其一死彼時那彥成再行請旨定奪

此時盛京官兵業已到齊其吉林官兵著那彥成

作速催令來營再加以明亮原帶之兵那彥成一

路共有勝兵一萬數千軍威已屬壯盛朕度量該

處情形那彥成台布自應赴紫陽洵陽平利一帶

督同王文雄柯藩慶溥與德楞泰分投截擊將辛
聰張添倫等全數殲擒但軍情難以遙度那彥成
等總當隨時確探賊蹤何處緊要卽赴何處剿辦
至張漢潮李潮雖已殲擒其跟隨餘黨及分出小
股尙在陝境卽如從前陝省殲斃齊王氏川省擒
獲王三槐至今尙有齊家營名號及王三槐餘匪
蔓延未淨那彥成素所稔知今乘此兵威勝勢必

當將餘孽搜除淨盡以清此坂餘匪卽遷往平利

一帶數日未爲不可再平利等處賊匪如那彥成

台布果能速卽殲除白屬伊二人之功若賊知張

漢潮業經殲斃不能復施牽掣官兵詭計又聞那

彥成統領大兵前往自知不能抵敵竄往川境彼

時台布自應在陝境督率防堵或回省城辦理地

方事務那彥成係屬欽差非陝省守土之臣可比

卽應統兵前赴四川幫同額勒登保剿賊再明亮
節次所奏在龍駒寨樂莊牧護關打仗情形全係

憑空捏造並無其事此次張漢潮等安知非綸布
春等殲擒報知明亮而明亮或在數百里外攘爲

已功入奏亦未可定茲將明亮等原摺發交那彥
成閱看著那彥成按照摺內情形將明亮與肇是
否親身殺賊抑並未在彼督戰僅據他人稟報入

奏之處據實具奏即使明亮果係親臨行陣將張
漢潮李潮殲擒亦由朕特派那彥成前往督辦不
敢再似從前之玩寇自便且聞那彥成已由西安
入山明亮恐其到彼成功是以上緊截剿獲此克
渠是那彥成雖未經臨行陣而先聲奪人故能得
此捷音也

上又命軍機大臣傳諭松筠曰據明亮等奏將張漢

潮殲斃並生擒首逆李潮痛殲賊衆此次明亮雖
能認真截剿連得渠魁而從前遷延逗遛及謊報
殺賊收受餽送銀兩之罪自在不可因有此次報
捷之功遂置明亮前罪於不問且明亮此次殲除
張漢潮李潮二逆自係因那彥成到彼心懷愧懼
始行上緊剿賊不能蓋其從前延玩欺飾之罪惟
首逆旣連就誅擒其功亦自不可沒况永保與明

亮仇隙本深又素性狡詐或曰知罪重拚命抵賴

巧卸於人其所稱明亮前在龍駒寨藥莊牧護關

三次打仗殺賊俱屬烏有之語或其中尙有裝點

亦未可定朕非因明亮現有殲斃張漢潮擒獲李

潮之功遂稍偏向明亮但伊二人罪案孰虛孰實

總當審訊明確方足以成信讞松筠惟當遵照節

次諭旨以公正爲本悉心研鞠令永保與明亮當

面質對務使水落石出一得確情仍卽按律定擬
具奏候朕核辦所有本日明亮奏到自辯之摺着
發交松筠閱看

上諭內閣曰明亮等奏張漢潮一股竄至張家坪地
方綸布春趕往剿擊殲斃賊匪搜出張漢潮屍身
確係矛傷身死侍衛富蘭在洵河一帶殺賊千總
張起鰲帶領兵勇協剿均爲出力綸布春著加恩

挑在乾清門侍衛上行走並交部議敘守備楊正
明著先賞給都司銜遇缺卽行補用侍衛富蘭子
總張起鰲俱著交部議敘其打仗兵丁俱著那彥
成查係圍剿張漢潮一路實在出力者加恩賞給
一月錢糧

同日軍機大臣會同刑部奏言據前任湖廣總
督景安叅奏安襄鄖道胡齊崙聲名狼藉辦理

軍需種種虛捏侵欺與候補經歷朱謨狼狽爲

奸一案欽奉

諭旨將胡齊崙朱謨解京嚴審定擬具奏節經

臣等

按款研訊因該叅員恃無証據供詞狡展奏請

飭交倭什布逐一切實查詢並將胡齊崙支放軍需

底賬查報送京茲據覆奏察訪胡齊崙經手軍

需有私扣餽送等項並捏報邀功各款

臣等遵

帶同候補臬司祖之望監提該叅員復加嚴詰並

令解到質証知縣李秉義鄉勇頭甘宗羅三面

質對據該叅員供稱我於嘉慶元二兩年經手

軍需銀四百一十九萬餘兩因採辦軍裝物件

例價不敷并各路官兵鄉勇年節俱要犒賞經

前任督撫行令各局除例扣一兩之外每百扣

存三兩以爲例不准銷之用後因部發銀兩每

百兩短平四五六七八兩不等復經奉文行令
各局再扣四兩我因襄陽差費浩繁扣項不敷

又於部發短平並奉文每百扣平八兩外復扣

二兩我通共經手軍需四百餘萬除奉文坐扣

平餘外我私自扣過銀二萬九千餘兩凡各營

將軍督撫等提用銀兩並我自行餽送永保銀

六千兩及打造銀牌銀鏢預備各營提取并餽

送各營犒賞鄉勇皆在此內私扣軍需侵用官

項實屬罪該萬死再我於二年十月帶鄉勇一

千三百名總兵馬瑀帶兵五百名同在夾河洲

堵禦見有從賊營陸續潛回之人我因想邀功

就捏稟洲內伏匿匪徒潛圖蠢動經巡撫汪新

帶兵前來督拏獲犯王集義等一百三十餘人

發交同知虞友度知縣孔繼榘審訊將被裏良

民卽行釋放因王集義等五人審係賊目立時
正法其餘供認習教者六十四人分別正法發
遣經汪新奏蒙

聖恩賞加按察使銜實是我虛張聲勢希冀邀功至
所殺數人實非就撫良民又我於二年七月因
賊匪竄近南漳我雇募鄉勇在辛家坪打仗鄉
勇傷亡二百九十七名我因事忙忘記稟報請

恤後因賊匪西竄彼時我原有三千餘鄉勇賊

匪並未到南漳保康交界地方我因要見好邀

功捏稟添雇鄉勇三千餘名派委俞克振帶赴

堵禦經汪新查無其事我又捏稟是捐廉支給

都是實情無可置辯詰訊朱謨供稱我在胡齊

崙署內幫辦軍務三月僅替管賬目並未經手

銀兩委無與他主謀情事臣等以該參員前次

供詞閃鑠恐所供尙有不實不盡並另有婪索
別情再四駁詰加以刑夾堅供委無別項劣蹟

似無遁飾查胡齊崙身任監司大員於堵禦賊
匪捏報冒功又遺漏請恤鄉勇其經管支放軍

需銀兩於奉文扣平之外復又私扣銀至二萬
九千餘兩預備各營將軍以及督撫提取犒賞
並自行餽送甚至送永保銀六千兩之多是該

犯以軍需帑項竟同私橐爲夤緣迎合之資實

與侵盜入已無異節經_臣等嚴加刑訊該犯俯

首認罪胡齊崙除妄冒軍功各輕罪不議外應

照侵盜錢糧入已數在一千兩以上斬監候例

擬斬監候秋後處決該犯家產業經查抄毋庸

勒限追賠朱謨訊無與胡齊崙通同舞弊情事

業經革職應無庸議候補同知虞友度於到京

後旋即病故京山縣知縣李秉義鄉勇頭甘宗
羅俱已質訊明確應卽飭令回任回籍其辛家
坪打仗傷亡之鄉勇行令該督查明照例議恤
至從前來河洲一案冒功謊報奏蒙

恩賞之已故巡撫汪新及各該員弁所得加銜並議
敘應陞之處應請

旨飭交倭什布查明據實具奏一體註銷奏入

上諭內閣曰胡齊崙身爲道員經手湖北襄陽局軍

需銀四百一十九萬餘兩並不按例支發於奉文

扣平之外復又私扣銀至二萬九千餘兩任情餽

送其罪甚重因將胡齊崙革職拏解來京交軍機

大臣會同刑部嚴行審訊并傳集人証質對今據

審明屬實照侵盜錢糧入已數在一千兩以上例

問擬斬監候洵屬法無可貸白劓辦教匪以來迄

今四載所費帑項多至七千餘萬賊匪滋擾始自

湖北而軍營餽送之風亦始自湖北畢沅身任總

督公然提用軍需正項信任胡齊崙一人經理恣

意侵扣實爲首先作俑如畢沅尙在朕必立置重

典也軍營帶兵大員如明亮永保等藉剿賊爲名

稽延時日不顧歲事其意以功成受賞卽加五等

之封詔糈自有定額不如常在軍營厚享餽賂一

領兵過往間而所得動至盈千累萬以養寇爲肥
身之計以糜帑爲飽橐之資縱賊蔓延日久未滅
皆由於此卽如畢沅餽送永保銀二千兩胡齊崙
餽送永保銀六千兩伊等卽因永保在京監禁欲
行伙助亦當各出已資何得用國帑爲朋情耶試
思此項銀兩皆兵丁等衣糧屣履之資今忽短餉
銀八千兩則從征之士因茲而罹凍餒之患者不

知其幾千人矣而欲令其踴躍戎行克敵致果其

可得乎從征之士不能飽煖焉能破賊以致賊害

良民不可屈指此等劣員豈非自作之孽耶朕親

政以來將軍營積弊屢次嚴飭禁止而伊等習爲

故事仍恐相率效尤不得不再爲明白曉諭俾知

儆懼現在四川軍餉已徹底查辦務使領兵各員

無利可圖方能專心剿賊以冀速蕝大功至胡齊

命爲此案罪魁今問擬斬候核其情罪明年秋審
時必當予勾且業已動刑監禁一年之久或致病
斃轉得倖逃顯戮然予以斬決在胡齊崙雖不足
惜而於本律究有所加朕詳慎庶獄俱係按律辦
理從不有意從嚴胡齊崙著卽處絞餘依議將此
通諭中外並領兵大員及現辦軍需者知之

十三日

戊戌

上命軍機大臣傳諭松筠台布曰昨據明亮奏張漢

潮業經殲斃並將首逆李潮擒獲陝省大股賊匪

已就殲除其分出小股及零星餘孽現經那彥成

台布入山搜捕毋難一律淨盡此外紫陽洵陽平

利一帶雖尙有辛聰張添倫等在彼屯聚然不過

剿敗餘匪在川陝往來游奕將來那彥成台布移

兵往剿自可剋日殲除是陝境現已肅清而脅從

附和之徒目擊首逆就擒失所憑恃自必人心渙
散黨與披離亟思棄逆就順日望安插之恩以陝
省目前情形而論一切善後事宜正關緊要松筠
台布當乘此機會次第籌辦並先將節降安撫諭
旨廣爲宣布設法招徠於事方爲有裨又思前此
該省賊匪一被官兵逼剿卽向老林翻山逃匿看
來老林大山實爲藏奸之藪此時賊氛已淨此等

處所必當酌加清理適本日召見彭元瑞奏及陝
省終南山綿亘入百餘里山內地界皆係岐山鳳
翔武功盩厔郿鄠咸寧長安藍田等九縣分段管
理而山內地地方遼濶居民稀少又子午谷一道向
來本禁止行旅往來後畢沅因遞送金川文報改
由子午谷行走取道便捷較之舊時驛路可近七
八日之程闢成通衢以致賊蹤得由此奔竄其山

脊已間有民人耕種此等地方旣係山徑僻雜又
延袤廣遠與其置之空閒徒爲盜藪何若酌爲疆
理安置編氓且現在難民就撫之後無家可歸無
地可種卽官給銀兩藉資口食祇能贍給一時亦
豈能久安生計若資糧用盡無以自存勢必故智
復萌仍爲草竊之事朕意南山內旣有可耕之地
莫若將山內老林量加砍伐其地畝旣可撥給流

民自行墾種而所伐材木卽可作爲建蓋廬舍之

用並察看山內地方形勢廣狹或分建縣治或設

立廳署並安設營汛移駐弁兵以資管束彈壓其

官廨所需木植取給老林亦屬甚便且就撫之民

又可傭工覓食亦以工代賑之一法從此作爲土

著各安本業旣有恒產必有恒心於招徠安撫及

因地制宜之道豈不兩有裨益此節仿明代原傑

經理鄭陽綏轉流民之遺意而小用之實善後所
急宜籌及者。松筠台布務須實心經理妥協籌辦

况陝省前有撥發餉銀一百萬兩正可作爲一切
善後事宜之用從前平定新疆拓地二萬餘里我

皇考於一切善後事宜區畫盡美盡善是以數十年來
相安無事松筠台布皆係素能體國愛民者於此
事亦當籌畫萬全爲久安長治之計或伊二人酌

量一人親往查勘明白會同商辦更可得有把握
斷不可祇圖目前急於完事仍致有名無實也